



010000, Нұр-Сұлтан қ., Үкімет үйі

010000, город Нур-Султан, Дом Правительства

№ _____

№ исх: 17-09/2820 дз от: 20.06.2022

№ вх: 2476//17-09/2820дз от: 20.06.2022

Қазақстан Республикасы
Парламенті Сенатының
депутаттары
Н. Бекназаровқа,
Р. Әбдікеревке

2022 жылғы 19 мамырдағы № 16-13-126Д/С

Құрметті депутаттар!

Лифт шаруашылығы мәселелерін шешуге қатысты депутаттық сауалды қарап, мынаны хабарлаймын.

Отандық лифт шаруашылығын қолдау және дамыту бойынша арнайы шараларды әзірлеуге қатысты

Кәсіпкерлікті дамыту жөніндегі 2021 – 2025 жылдарға арналған ұлттық жоба шеңберінде қызметін экономиканың басым секторларында жүзеге асыратын кәсіпорындарды, оның ішінде лифт өндірушілерді қолдау шаралары көзделген.

Айталық, жеңілдетілген кредит беру және пайыздық мөлшерлемені 6 %-ға дейін субсидиялау жүзеге асырылады.

Кепілді қамтамасыз ету жеткіліксіз болған жағдайда кредит бойынша ішінара кепілдік беру құралы іске асырылады, онда кепілдіктің ең жоғары мөлшері ісін жаңа бастаған кәсіпкерлер үшін 85 %-ды, жұмыс істеп жүрген кәсіпкерлер үшін 50 %-ды құрайды, кепілдік сомасы тиісінше 360 млн теңгеден және 1 млрд теңгеден аспайды.

Авариялық лифтілерді жедел ауыстыру үшін кредит беру тетіктеріне қатысты

2011 – 2019 жылдар аралығындағы кезеңде тұрғын үй қорын жаңғырту мақсатында республикалық бюджет қаражаты есебінен 2 839 көппәтерлі тұрғын үйді (бұдан әрі – КТҮ) күрделі жөндеуге 33,9 млрд теңге бөлінді, оның ішінде 2 054 лифт ауыстырылды.

Мемлекет басшысының 2019 жылғы 2 қыркүйектегі Жолдауына сәйкес өңірлерге 2020 – 2021 жылдары республикалық бюджеттен қосымша 18,6 млрд теңге мөлшерінде бюджеттік кредиттер бөлінді, олар 520 КТҮ жөндеуге, сондай-ақ 1 232 лифтіні ауыстыруға мүмкіндік берді. Ағымдағы жылы 226 КТҮ жөндеуге 11,2 млрд теңге бөлінді.

Ұлттық стандарттар талаптарының сақталуын күшейтуге және әкімшілік жазаларды қабылдауға қатысты

Техникалық реттеу және метрология комитеті төрағасының 2018 жылғы 28 қарашадағы бұйрығымен ҚРСТ «Мүмкіндігі шектеулі адамдарға арналған лифтілер, эскалаторлар, траволаторлар және көтергіштер» ұлттық стандарты бекітілді, онда мүмкіндігі шектеулі адамдарға арналған лифтілерді, эскалаторларды, траволаторларды және көтергіштерді жеткізуге, монтаждауға және пайдалануға қажетті талаптар көзделген.

«Тұрғын үй қатынастары туралы» және «Қазақстан Республикасындағы жергілікті мемлекеттік басқару және өзін-өзі басқару туралы» заңдарға сәйкес лифтілерді қауіпсіз пайдалану талаптарының және ұлттық стандарттардың сақталуын бақылау бойынша жергілікті атқарушы органдардың (тұрғын үй инспекцияларының) құзыреті көзделген.

Бұдан басқа, «Әкімшілік құқық бұзушылық туралы» Кодекске сәйкес өнеркәсіптік қауіпсіздік нормаларын, оның ішінде лифтілерді пайдалану кезіндегі қауіпсіздік нормаларын бұзғаны үшін әкімшілік жаза көзделген.

Премьер-Министрдің орынбасары – Сауда және интеграция министрінің 2022 жылғы 14 наурыздағы және Ұлттық экономика министрінің 2022 жылғы 15 наурыздағы бірлескен бұйрығымен лифтілерді қауіпсіз пайдалану талаптарын сақтау бойынша тексеру парағы бекітілді, ол техникалық реттеу саласындағы өнімге қойылатын талаптарды да қамтиды.

Елге күмәнді лифтілерді әкелуді шектеуге қатысты

Кеден одағының техникалық регламентіне сәйкес өнімді әкелу сатысында техникалық регламенттердің талаптарына сәйкестікті бағалау туралы құжатты ұсыну міндетті.

Сондай-ақ Аккредиттеу субъектілерінің тізіліміне сәйкес Қазақстан Республикасында 3 сынақ зертханасы және талаптарға сәйкестікті тексеруді жүзеге асыратын 1 орган жұмыс істейді.

«Қазақстан Республикасындағы кедендік реттеу туралы» Кодекске сәйкес тауарлар тыйым салулар мен шектеулер сақтала отырып, Еуразиялық экономикалық одақтың кедендік шекарасы арқылы өткізілетінін және кедендік рәсімдермен орналастырылатынын атап өткен жөн.

Ә. Смайылов

Орынд. Хасенов Е. М.
74-53-50